

潘種

刻

五

蜀南河
康熙

題
處



思補齋筆記序

予德薄能鮮遭時竊位渥受

三朝知遇登揆席直樞垣者逾十稔惴惴焉有力少任重之虞憶本貫歛而遷於吳承先世積累百餘載誦清芬稟庭訓奉師資誨育於未遇陶冶乎旣仕補過之餘曷敢忘所自來耶通籍旣早屢忝校文之役足跡幾半天下咨於故實尙有典型國史野乘信而有徵者次及之顏曰思補齋筆記都爲八卷凡所見異辭所聞異辭

所傳聞異辭者概不羈入從其慎也始自 廷對洎於

樞直

先聖

後聖

訓謨敷錫報豈涓埃

寵迺今昔進思退思夙夜兢惕紀榮遇第一溯歛溯吳

仁聲累葉躬厚留餘堂構簪笏潛德弗曜義方克廣誦

芬錫類爰逮親黨紀述德第二

聖以孝治

詔許陳情十年至樂萬鍾弗榮近遊撰杖絜養補笙我
思古人詠束先生紀循陔第三誨我成我經師人師或
隱或顯或淑於私雨化風播如春之時感舊歎逝以輔
歌詩紀思源第四槐廳清祕厥有成書館閣之掌文獻
所儲與居與稽耳食之餘後有續者徵以起予紀掌故

第五菁莪育材

授之文枋五十餘年疊膺

寵命無役不從執事惟敬宅俊培英於斯爲盛紀文衡
第六鉛槧所資學同四寸匪志齊諧亦資餘論數測往
來理歸懲勸類而誌之無取蕪蔓紀管聞第七觥觥我
朝大臣儀刑節以壹惠諡以尊名循之責之實大於聲
文表範則先正是程紀易名第八

思補齋筆記卷一

吳縣 潘世恩 芝軒

榮遇

乾隆癸丑四月

御製還宮閱卷詩云傳臚返禁城
渥雨喜新晴
曬潤麥
麴協高低禾黍生
憑觀真滿志
自問益慙情
細閱十魁
卷都知予戒盈
詩註云向例殿試前一日由讀卷官擬
題八條請旨示定四條然後撰策問
今年第四問保泰

持盈非讀卷官原擬乃予特命發問者今日呈進前十名卷詳加披閱尙知發揮此義此子夙夜單心宥密而多士草茅新進竟能共喻朕懷此中庸九經之所以貴誠也

臣世恩

謹跋云

世恩

江左庸材壬子膺鄉薦癸丑

聯捷

殿試卷進

呈

欽定一甲一名進士授職修撰自慙薄植曷稱大科伏

讀

制策以保泰持盈諄諄下問敬維

聖主單心宥密夙夜兢兢草茅下士何能仰窺萬一顧
嘗憶宋臣程頤易傳云德善日積則福祿日臻德踰於
祿則雖盛而非滿竊本此意以對揚豈有芻蕘之一得
迺

聖懷冲挹不遺土壤細流虔誦

宸章實深感愧

御製筆誤識過文云昨朝考之題於三月卽擬定題書

封識清晨連封發交監試王大臣以試諸士可謂謹密之極矣乃今日閱卷諸臣定等呈覽視之其疏題則稽古也不見於經文乃憬然而悟曰本擬稽古而予筆誤稽爲積監試諸臣見不及此而未請旨是諸士子之誤皆予一人之誤也夫試題一字之誤亦何關要然使政之是非人之生死亦如此誤書可乎且予誤而無人敢言則諸事叢脞其弊將不可勝言矣書以自責用戒後此硃筆之慎也予更思之稽古固出於典謨但稽者考

也稽在人而古在古猶有彼此之分焉至積則聚也稽而聚古於心施於言行播爲政治而非徒資博雅之爲不亦宜乎諸士子並未言及此是以申而論之然總類飾非文過之辭益重吾過而已耳五月初四日軍機大

臣阿桂等

奏遵

旨恭繕

御製筆誤識過文交新進士閱看據潘世恩等僉稱我

皇上熙績釐工惠疇亮采合洪纖而無間實中外所共聞凡繫乎民生關乎政治豈有毫髮未致其精詳者乃協中旣審於萬幾而識過並嚴於一字蓋

慎之又慎彌昭翼翼之小心雖微乎其微亦寓煌煌之大誠況稽於古訓何如積於厥躬

闡義入神竭

臣

等愚蒙而莫能索解因文見道經

聖人指示而頓覺貫通

臣

等雜誦迴環曷勝欽服慚悚

之至等語謹

奏

嘉慶三年二月

御試翰詹

恩

名列一等第二蒙

恩補授翰林院侍讀十月升左庶子四年正月

仁宗親政以講學缺遲至半年未進

特命吏部具本請簡是月蒙

恩升侍講學士四月轉讀學五月升少詹六月升詹事

八月奉

命提督雲南學政九月升內閣學士兼禮部侍郎兩年之間由修撰

擢至閣學

聖恩高厚感悚難名五年正月抵任雲南具摺恭謝奉
硃批少年得晉崇階又係鼎甲宜愛惜聲名切勿恣志
前程遠大莫貪小利秉此寸忱以匡朝政勉之慎之跪
誦之下彌深欽感自後疊膺

寵命屢掌文衡奉以周旋幸免隕越者皆

聖人之教也

嘉慶丙子九月服闋後陳情侍養仰蒙

恩准已卯十月恭遇

萬壽六旬進京叩祝

召對時垂詢

臣

父年歲飲食一一回奏並陳

臣

父感激

下情代進貢品二九蒙

賞收九件並

賞

臣

父如意一柄天青八絲緞褂料一件寶藍八絲緞

袍料一件米色春綢一匹月白紡綢一匹銅手鑪一對

大荷包一對小荷包四個

世恩

祇領恭齋回家

臣

父率

兒孫輩道旁跪接望

闕叩謝

天恩一時里黨傳爲盛事

道光十一年十一月十五日蒙

恩賜紫禁城騎馬同

賜者汪巽泉少司農守和史望之少宗伯致儼皆壬子

同年紀

恩詩云鷺序初聽玉漏傳早朝並拜

寵綸宣感深芻秣銜

恩重望切雲霄得路先伏櫪祇應充下乘聯鑣難得盡
同年回思足繭衝寒日益矢心銘夙夜堅

乾隆十三年始定內閣大學士缺滿洲漢各二員協辦
大學士或一員或二員漢大學士不由協辦得者惟韓
城王文端富陽董文恭二人道光十三年

世恩

以吏部